

HISTORIA DI E CLUBNAN MARINERO NA ARUBA

International Seamen's Club - Introduccion

International Seamen's Club a establece mas di 130 aña pasa na diferente pais, por ehempel, Alemania, Paris, Merca y otronan, unda cu tabatin hopi movencion di tripulante riba barco cu tabata bishita e hafnan. Un "cas leu for di cas" unda nan por a bay entretene nan mes cu varios actividad cu e club ta ofrece y alabes ricibi asistencia pa tur nan necesidadnan.

Prome International Seamen's Club



Na ana 1932 e comision di R. K. Zeemanshuis na Corsou, bou guia di Pater R. Dellaert na San Nicolas, a dicidi di lanta un tipo di instituto asina. Asina un cas chikito den Bernardstraat a wordo cumpra y converti den un club pa marinero. Despues Pastor Th. Exter a usa e palonan di e misa pa traha un club mas grandi riba e tereno di misa, cu un sala di recreacion, libreria y oficina. Inmediatamente despues di guerra, na

1946, a tuma luga un reorganizacion unda e Stichting R.K. Zeemanshuis a cambia pa Stichting "International Seamen's Club". E meta primordial na aña 1952 tabata pa brinda e marinero durante su tempo cortico na Aruba "un luga alegre". Banda di apoyo moral e servicio hopi practico: acomodacion, cuminda, posterij, cheques, bishita di barco, atencion medico, anochi di pelicula, etc.

E club originalmente a cuminsa dia 12 di februari 1934 den un edificio di palo. El a wordo cuminsa door di esfuerso di e espirito publico di cuidadonan pa duna nabegantenan bishitantenan un luga unda nan por disfruta nan mes di e conveniencia for di cas. Desde su principio modesto na aña 1934, e club a crece bira un organizacion cu ta duna servicio y na aña 1954, ainda bou construccion, a duna servicio na mas cu 32,000 marinero for di 45 diferente pais. Esaki no tabata un cas di nabegante pero un club internacional y original pa nabegantenan. E necesidad pa su servicionan a crece y mester a busca un luga mas grandi pa acomoda mas bishitante.



Di Dos International Seamen's Club



Un aña despues, esta na 1935, un edificio a wordo traha for di madera di misa Santa Theresita. E crecimiento maraviyoso di e club a sigui. Den Amigoe di Curacao di dia 21 di

januari, 1950, nos por lesa cu e aña anterior tabata hopi exitoso pa e “Apostolaat ter Zee di Aruba”, cu ta traha pa medio di International Seamen’s Club. E simpel, pa no bisa edificio primitivo, ta haci e aspecto pafo nada compara cu e parti paden cu e club por ofrece na e marineru. Nos por djis tira un bista paden cu ta ofrece e marineru sinta na cas, maneha tur su correspondencia y aprecia tur sorto di servicio brinda na cada un di nan.

Riba e lessenaar na e entrada tin un buki di huesped cu na entrada e marineru ta firma y pone e nomber di su barco. Nos ta ricibi cien y pico nomber di Mericano, Spaño, Noruega, Irlandes, Britanico, Danes, Venezolano, Antiyano, Canades y hasta esnan di Liberia. Enberdad un club di marineru. Toch Gerente Verkuissen ta bisa cu e buki aki no ta contene tur e nombenan di cada uno pasobra hopi biaha nan ta firma “un grupo di marineru” pa muestra cu ya nan ta pertenece na e club. E buki ta duna un cantidad di 40 pa 100 firma pa dia. Otro muestra ta cu alrededor di 44,577 carta a wordo gepost na aña 1949. Esaki ta otro muestra di e cantidad di bishita. Mas di 30,000 marineru ta bishita e club anualmente. E borchi riba e porta cu ta bisa “Pa Marineronan” ta muestra cu e club aki ta 100% un cas pa marineronan y ta nan so por acudi.

Gerencia ta aprecia e bishita di marineronan unda cu nan a traspasa Fls.7,000.00 na check y tambe cien pakete y hopi telegram pa nan famia. Den e sala tin un “showroom” na luz cu e marineronan ta gosa pa mira aunke no tin mucho pa mira. Verkuissen ta bisa cu tin un sorto di “giftshop” unda nan por manda algo agradabel pa nan casa, namorada of famia. Hopi ta yega tera despues di 7’or di anochi ora e pacusnan ta sera caba. Un showcase asina toch ta algo hopi necesario pa nan, pero ya...e no tabata permiti. Parce cu un persona cu antes tambe tabata den USO a stop. Sra. Kwartsz y Hesselning no tabata na fabor di un “giftshop”. No tabatin palabra pasobra e marineru mester pasa na tur giftshop prome cu e bay na esun di e club. Anto e prijsnan ta mescos y e articulonan di e pacusnan abo mes saca bo conclusion.



Den e sala tin un dushi ambiente. E lampinan moderno y e bunita muebelnan ta duna un ambiente di cas. Tur sorto di actividad pa e marineru diberti tin - tres mesa di biyar, un shuffleboard, ping pong, revista y buki, corant, etc. Tambe un bar pa combati e calor, pero no ta bende bebida sterki, solamente cerbes y biña tabata permiti.

Riba un borchi grandi ta para den tres idioma: “Free movies at 8:00pm”. Sr. Verkuissen ta informa cu tur siman tin dos anochi di pelicula pa e marineronan y ta bon atendi. Riba un otro borchi ta para: “Informal Dance” pa e proximo Diadomingo. Pa e baliamento tin un bunita patio. E ultimo baile tabata dia 23 di november unda 150 miembro a participa. Nos ta corda ainda cu durante navidad nan tabatin un fiesta di Sinterklaas. Un total di 120 pakete a wordo duna na capitan di tres barco pa hiba y parti pa e tripulantenan Bispo di Pasco. Pa motibo di yobida pisa e marineronan a falta e misa y mester a bin den e club. Un concierto di Pasco a wordo duna anochi den e patio bou guia di Frere Andreas y e “Aruba’s Boys Band”. Mas o menos 300 pakete a wordo entrega na e marineronan. Un danki ta bay pa tur e negoshinan pa nan contribucion.

Di e patio nos ta bin den e parti nobo di e hotel. Antes esaki tabata un luga di diberticion di USO. E directiva a sa di traha esaki den e hotel chikito cu su cushina, comedor, y siete kamber bunita. Aki ta parce cu ta Sra. Verkruijsen su trabou. E ta mostra bunita y bon cuida. Un marinero Mericano cu net ta den e comedo ta comiendo su salada di galiña ta duna su compliment: "Very nice and clean sleeping apartments and excellent food, Sir". Un tota di 2540 marinero a keda den e hotel chikito aki.

Cada directiva activo y sigur e gerencia cu curason pa su tarea, tin plannan pa futuro. Asina Gerente Verkruijsen ta haya cu e meta no ta logra ainda. "Mester bin cu un club mas moderno", e ta sigura nos. E tent di palo aki pa hospeda toch ainda ta primitivo y ta costa hopi pa mantene. Nos marineronan merece miho. Nos por corda ainda cu na 1946 e International Seamen's Club su trabou a cuminsa. E USO a laga e edificio na werki, loke por a mira. Un mesa di biyar sin laken, un paar di stoel di cushina y mesa tur manca, un jukebox cu no tabata toca mes, un bar cu un ijsbox chikito. E tabata un bulto tristo cu nos no por a imagina loke e marineronan a laga atras. E club ta situa di un distancia di 25 minuut pa cana yega na e club. Bishita, cu servicio di primera clase y di tur loke ta wordo ofreci na e marineronan cu anualmente como 30,000 ta haya e caminda pa yega e club. Pa nan cana 25 minuut pa yega e club ta un compliment pa e club.

E kapelaan pastoor Holterman tambe pa loke el a haci pa e marineronan pa tres aña ta di admira. El a yam'e un apoyo moral grandi pa e marineronan si e ta na Aruba y haya un bishita di misa di marinero notablemente acepta.

Ta comprendibel cu e directiva di e club ta desea cu e club aki bira mas moderno y di cement. Esun actual ta traha di material bieu cu a bini for di e desmantelacion di e misa catolico, mientras e hotel a wordo traha cu material inferior cu e pensamiento cu e lo sirbi solamente pa algun aña. E directiva a traha cu ayudo di tur banda. Ohala cu mas hende mira e importancia di e club y ofrece nan ayudo financiero. Un palabra di danki na Sr. Y Sra. Verkruijsen cu nunca e esfuerso ta di mas y por garantiza e futuro di e club. Na 1959 e edificio moderno cu ta na servicio di e marineronan a habri oficialmente.

Aniversario di International Seamen's Club



Na aña 1959, e club a cumpli 25 aña dunando servicio na miles di marinero cu tabata riba diferente barco bishitando e refineria di Lago, sea pa carga of descarga producto petrolera. Pa conmemora e 25 aniversario di e club un celebracion informal den oranan di tramerdia a wordo teni pa 2'or di merdia, riba un Dadiomingo dia 8 di februari 1959 pa haci e lidernan di comercio, industria y religioso na Aruba familiar cu e papel integral cu e club ta hunga como un miembro di e comunidad. Algun tempo prome e club a wordo bendiciona pa Mgr. A. v/d Veen Zeppenveldt. E evento tabata e habrimento di e club un cuarto siglo

pasa como tambe un progreso den servicio na nabegantenan di tur parti di mundo cu pasa Aruba. E club su intencion ta pa provee un cas confortabel y limpi pa e nabegantenan cu bishita e isla aki. E ta wordo aprecia masha hopi pa e hendenan di lama. Su servicio tanto na e marineronan como na

comunidad segun e deseo a wordo expresa door di oficialnan di e club durante e celebracion, ta cu e lo sigui crece y mehora.

E edificio color bibo y ambiente agradabel ta excelente pa ofrece comodidad na tur nabegante cu bishita haf di San Nicolas y Oranjestad. Dirigi pa Sr. H. C. Verkruijsen pa e ultimo diesdos aña y mei, ta ofrece marineronan facilidadnan manera luga di drumi, comedor, patio, libreria den hopi idioma, recreacion y bar. Tur sorto di wega manera biyar, shuffleboard y weganan similar ta disponibel gratis.



E marinero no solamente por disfruta di come, bebe, drumi, pero tambe e por disfruta di otro actividadnan. Dos bes pa siman ta pasa pelicula den e patio y KLM ta zorg pa contribui cu revista y corantnan di tur parti di mundo, principalmente Sport News di Miami. Tambe e club ta organisa picnic, tour rond di e isla y otro atraccionnan. Via un borchu e marineronan ta wordo poni na haltura di e programanan di pelicula, yegada y salida di barconan y por ultimo servicionan na diferente misa.

Como un organisacion cu ta wordo maneha sin ganashi cu ta depende totalmente riba donacion pa cubri gastonan di construccion y pa cubri gastonan operacional, mas cu claro cu ta hopi dificil pa e gerente haci loke e ta desea. Danki na e apoyo cu ta bin for di varios amigo di gobierno, comercio, industria y sectornan priva. Den e lista di amigonan tin un instancia cu ta haci posibel pa regala e marineronan 350 pakete di Pasco. Tambe durante e temporada aki e Club di Damas di Lago ta zorg pa hiba e diferente pasaboca di nos isla pa e barconan of e club.

Pa maneha henter e organisacion aki, 15 homber ta emplea, for di un gerente permanente te na esun responsabel pa mantene e luga limpi, un cantinero y uno pa seguridad. Anualmente esaki ta rekeri un suma di mas o menos Fls.37,000.00. Henter e maneho a wordo poni den man di un directiva cu ta consisti di Director W. T. Murphy, Vice-Director F. E. Griffin, Tesorero D. D. Daleski, Secretario T. F. Eagan y tambe comisionarionan Pastoor W. de Haas, F. de P. Wever, C. Schwengle, T. V. Malcolm, J. E. Stoveken, J. N. J. Royer, E. de Cuba, J. R. Proterra, J. Winstanley y Gerente H. V. C. Verkruijsen.

Representantenan di e club ta bishita marineronan enfermo den hospital, haciendo nan favor, hibando revista, papel pa skirbi carta, candy y sigaria. Funcionnan di e club ta inclui tambe ayudo den entiero di marineronan. Esaki ta inclui servicionan di misa, cartanan di condolencia, potret y un descripcion cortico di e entiero.

E International Seamen's Club ta para como expresion material di un idea concebi un cuarto siglo pasa door di personanan manera Pastoor Exter pa ofrece na hombernan cu ta biaha riba lama, un ambiente agradabel cu lo ta pa nan "un cas bieu leu di nan cas". No ta pornada cu hopi marinero cu ta bishita e club aki ta bisa cu ningun otro parti di mundo nan ta ricibi un asina bon trato manera e club aki na Aruba.



Cu e banderanan Hulandes y Merca orgusamente pafo di porta International Seamen's Club a ricbi tur su bishitantenan pa 2'or di merdia riba e Diadomingo, dia 8 di augustus 1959 pa su interior asina bunita decora. E ocasion tabata e habrimento oficial di e remodela y bunita "cas leu for di cas" pa marineronan.

Bishitantenan e dia atardi a inclui representantenan di Gobierno, clero, Lago, comercio y prensa. Kiko nan a mira ta un club bon diseña pa sirbi e necesidad pa marineronan cu ta bishita e isla Caribense aki. Hungando un parti integral den comunidad, e club ta dedica na e proposicion pa ofrece un cas comodo leu for di cas pa nebegantenan cu biaha pa e isla aki. Mas o menos 35,000 ta bishita e club anualmente. E acomodacionnan di e club remodela y mas espacioso no solamente den alohamento y comemento, ta duna cada marinero cu bishita e club un ambiente di relajacion.

Un punto hopi positivo tabata cu ningun momento e club mester a sera pa motibo di e construccion. Pa logra esaki mester a bay den tres fase cu e construccion. E luga unda e club ta situa antes a wordo tuma door di e misa catolico of miho bisa cu e sala di recreacion di e club ta situa unda antes tabata e misa.

E seccion di hotel di e club ta contene cuatro kamber dobel y cuatro enkel cu por acomoda diesdos nabegante bishitante. E area di comedor, limpi y confortabel tin seis mesa di cual diesdos huesped por wordo sirbi. Tambe a mira e oportunidad pa inclui un luga di biba pa e gerente y un sala di recreacion. Den e centro di e club tin un patio espacioso, ideal pa relaha. E ta permiti nabegantenan bishitante e oportunidad pa desfruta oranan den un ambiente confortabel. Materialnan pa lesa ta obtenibel pa ora relaha den patio. Tambe tin un barbero y un luga pa bende souvenir. Tur e edificio ta di blok'i cement.

Na e entrada mayor di e club tin e sala di recreacion y bar. Aki e nabegantenan por cumpra stampia, skirbi y lesa of tene nan mes ocupa door di hunga biyar, shuffleboard of otro weganan. Un bar ta obenibel pa nan como tambe un tienda chikito di regalo cu ta sirbi como un conveniencia pa e nabegantenan como un club sin ganashi.

Teresita Center

Despues cu International Seamen's Club a sera, e luga a wordo converti den un Teresita Center. Door cu mi no tin suficiente informacion y ta investigando ainda, lo mi bay publica esaki despues.

United Service Organization (USO)

Durante e añanan di guerra, e Seamen's Club a funciona den luganan temporario. Siguiendo e fin di guerra e club a reanuda operacionnan normal den e cuartonan na e sitio presente na San Nicolas. Den 1953, sinembargo, a sinti cu tabatin un necesidad pa miho facilidad. Trabou a cuminsa cu a culmina den e structura funcional moderno cu a habri dia 8 di augustus 1959.



Cu e binimento di e Di Dos Guerra Mundial, un necesidad tabata existi pa un edificio conveniente na San Nicolas unda facilidad recreacional por wordo ofreci pa personal di servicio. Atrobe, sirbiendo su reglamento como un cas pa bishitantenan, e club a pasa tur su cuartonan na United Service Organization (USO). USO ta un organizacion cu ta enforsa miembronan di servicio militar Mericano door di mantene e contacto entre nan y nan famianan, cas y pais, durante nan servicio pa e nacion.

Pa mas di 77 aña, USO ta e organizacion lider di e nacion pa sirbi homber y muhe den e militar Mericano y nan famia, durante nan tempo den uniform. Di momento cu nan uni, door di nan tarea y implementacionnan, y di e momento cu nan transicion bek pa nan comunidad, USO ta semper na nan banda.

Awe USO continuamente ta adapta na e necesidad di homber y muhe den uniform y nan famianan, asina cu nan por enfoca riba nan mision hopi importante. Nos ta opera centralnan di USO na of banda di instalacionnan tur rond di Merca y rond di mundo, incluyendo den zona di combate, y hasta sitionan di servicio di USO sin staf den luganan mucho peligroso pa cualkier persona pero trupanen di combate pa ocupa.

USO no ta parti di e gobierno federal. Un organizacion priva, e USO ta depende riba e generosidad di individualnan, organizacionnan y cooperacionnan pa apoya su actividadnan, y encurasha pa un famia of bolunatarionan pa logra nos mision di coneccion.

E historia di USO ta indica cu net prome cu e comienso di e involucimento den e Prome Guerra Mundial na 1941, Presidente Franklin D. Roosevelt a busca di uni varios asociacionnan den un organizacion pa hisa e moral y encurasha e apoyo den e linea frontera. Awe, e USO a sigui apoya nos militar nacional y nan famianan pa mas cu siete decada mientras nan ta defende nos pais y e libertad. Door di duna apoyo na nos militarnan mientras nan ta eherce nan cumpli cu nan retonan mas dificil rond mundo, nos credo pa ta banda di nan semper.

E alcance na e mas di 200 centronan di USO ta extende pa paisnan riba tur continente, opera pa miles di staf y boluntario kende nan meta ta pa iguala nos vigilancia di tur nos miembronan militar y facilita nos homber y muhenan den uniform, unda cu nan ta siribi. Nos por ta hopi orguyoso cu aki na Aruba y Corsou tambe tabatin un United Service Organization cu a sirbi e militarnan Mericano durante e Di Dos Guerra Mundial.

United Seamen's Service (USS)



United Seamen's Service conoci como United Seamen's Service American Seamen's Club ta un corporacion caritativo sin-ganashi cu a wordo organisa na aña 1942 bou di leyman di Estado di New York y ricibiendo sosten for di gobierno di Estados Unidos segun e ley publico. Awe, den seis facilidad di siete puerto den henter mundo, marineronan ta haya un ambiente sigur y amical unda nan por relaha, zorg pa nan necesidadnan personal y den contacto cu nan sernan keri "na cas". E accesonan ey ta

yuda e bida di marinero su soledad y separacion di famia bira mas tolerabel.

Aki na Aruba tabatin un club asina situa na San Nicolas, unda actualmente ta e Winter Garden N.V. situa na Caya Dick Cooper 4, na San Nicolas cu ta keda net panort di unda actualmente e oficina di Refineria di Aruba ta situa (ex-Dimas).

Rooms-katholiek Miliair Tehuis na San Nicolas

Beronico (Yonko) Bislick mester a busca dos permiso di construccion pa por a traha un edificio di panchi na e huki di B. van de Veen Zeppenveldstraat y e Kazernestraat na San Nicolas. Na aña 1934 (permiso di construccion 219) e prome construccion cu binimento di un cas pa biba y pa negoshi y un aña despues (permiso di construccion 98) e di dos construccion cu un sala, acomodacion, un bar y un cushina. Tur esaki tabata un edificio di comision di "Eenheid zij ons Streven". E architectura tin parti di e tecnica di construccion y tradicion Arubiano. Den e decoracion a purba haya e coneccion na e cas decora. E tecnica di construccion ta duna un contesta di e desaroyo urbano di San Nicolas. Asina e edificio tin dos piso riba un tereno versatil cu ta conecta cu structura urbano den otro. Como no un conversacion Arubiano, D.O.W. ta papia di: "Skeleton paden di madera, daki di plach'i zim, tur esaki riba tereno di huur di gouverneur".



Na aña 1941, (permiso di construccion 24) e interior completo a wordo reconstrui pa Rooms Katholiek Militair Tehuis. E peticion a bay aden pa Dr. A. Dussenbroek, Director di Rooms Katholiek Militair Tehuis.

Ta bin acerca un kamber pa e director, un cushina, un baño, un libreria, un salon y un luga pa biyar. Riba di dos piso tin diesun kamber den un espacio nobo. E trapi ta sali for di espacio aki. Riba Diahuebs, dia 8 di mei 1941 Gouverneur a habri e Rooms-katholieke Militair Tehuis nobo pa militarnan. Kapelaan Michael Holterman a bendiciona e luga hibando palabra pa bisa cu e luga aki ta principalmente pa mariniers, e polisnan soltero y e schutternan boluntario cu a wordo manda for di Corsou pa Aruba. Despues a bendiciona e imagennan colga na muraya. Na Aña 1959 el a wordo restaura completamente di nobo. Na e piso abou tabatin varios negoshi durante e añanan, por ehempel Central Madeirense di un famia Portugues. Na aña 1961 ainda e edificio tabata Militair Tehuis y durante añanan '30 a sirbi como un luga activo den e bida social di San Nicolas. E militarnan y polisnan staciona na Aruba por a tuma over e seguridad silencio y trankil. Un persona cu a maneha e luga aki entre 1958 pa 1960 tabata Sr. Herman Haakmeester casa di Rosa Haakmeester-Lacle.

Militair Kamp na Playa



E perdida di e edificio orguyoso di e Militair Kamp na Playa banda di e waf ta poni den bukinan di archivo. Asina e director di D.O.W. ta skirbi Gobernador, dia 26 di april 1946, cu e sala di comedor di e kamp por wordo ofreci na Sr. De Veer na benta na un prijs di Fls.180,000.00. Den e memoria colectivo di Aruba ta menciona nombrenan cu tambe a

hunga un rol importane, manera e “kazerne di polis”. Hopi ta pensa riba esaki cu hopi orguyo. Partinan di e kamp, unda e sala grandi di diberticion, ta preserva y awo ta wordo usa pa bestuurskantoor.

E actuacion di e areglo riba 14 di maart 1951 tabata un paso importante pa un Aruba independiente. E descentralisacion largo awo ta posibel. Esaki un hogar espacioso pa e binimento di un variedad di servicionan. E kantoornan di gezaghebber y e maneho na John G. Emanstraat na 1936 a bira mucho chikito aunke cu renobacion. Gezaghebber Kwartzs a escoge como un mudamento banda di e costa di lama y a evacua e compleho di militair cu a wordo traha durante e Di Dos Guerra Mundial entre 1942-1943 como un luga di vestuario y hotel pa oficialnan. E ta conecta cu Zoutmanstraat parti panort, e Arnold M. Scuttestraat parti west y L. G. smith Boulevard parti zuid. Aunke el a wordo traha como edificio pa militar, na cuminsamento caba pa na fin di e guerra pa acomoda otro funcion gubernamental. Despues di e guerra, hasta januari 1945, el a bira primeramente como un luga di pasa tempo pa empleadonan di gobierno of usa como pasanggrahan. Dia 25 di februari 1953 e edificio a wordo usa pa gezaghebber y deputadonan. Despues a sigui cu otro servicionan. E hala largo na e caya Arnold M. Schuttestraat un tempo a wordo usa como oficina di douane. E hala parti zuid a reconstrui y hopi modificacion y extensionnan a sigui. Sombranan y galeria habri a wordo sera y bentananan cambia.

E diseño original ta resultado di e mapanan di D.O.W. y ta muestra e




estilonan di Arkitektura di D.O.W. den e añanan '40 y cuminsamento di añanan '50 di e siglo anterior. E diseñonan a wordo firma pa C. W. Fernandes. Tin papia di un arkitektura desaroya di un clima tropical, miho conoci como e separacion entre e ambiente di paden cu esun pafo y e galeria, centuronnan di concret, y bentana y portanan di madera. Tambe e direccion di biento y e uso di grandura di e edificio y uso di e espacio grandi a tuma den consideracion. E resto di e parti di e compleho di militar a bin pareu cu e otro edificionan pa miembronan di defensie na L. G. Smith Boulevard. Asina e kazerne cu hombernan y estadia di korporal a bira necesario en coneccion cu e binimento di responsabilidad y di arteleristanan di KNIL, un hospital militar, y espacio pa e polis militar. Varios di e partinan aki pa un tempo ainda por a scapa y a haya un cambio di funcion, como kazerne di polis, e teatro di De Veer of a wordo usa como deposito of restaurant. Toch tur esaki finalmente lo wordo desmantela pa e beneficio di un shoppingmall moderno. Awo e besuurskantoor, e ultimo recordatorio ki actividad di construccion e Di Dos Guerra Mundial a trece cune na e boulevard.

International Seamen's Club



Un bunita tarheta na color di e International Seamen's Club



*"Apostolatus Maris", Apostel di Lama, San Nicolas de Bari,
Patrono di marineronan*



*Taxinan ta busca marineronan cu a baha for di barco, keda na
International Seamen's Club y awo biaha via avion pa otro rumbo*



International Club y por misa Santa Theresita na banda



Dos bishitante trankilmente canando den e patio di e club



Dos hoben marinero disfrutando di e wega shuffleboard




Tin 4 mesa di bilyard y otro actividad pa tene e bishitante ocupa



Mesa di bilyar y shuffleboard den bunita ambiente

Potretnan di e club modernisa y habri oficialmente




Habrimento oficial di e club cu bandera Hulandes y Mericano



H.C. Verkuissen ta muestra Sr. y Sra. W.D. Warde e kambanan



Bishitantenan den e patio pa habrimiento oficial di e club



F.deP. Wever; Porfirio Croes; Chris Schwengle y Rev. Jansen



Comedor cu seis mesa y cu capacidad pa sirbi diesdos hende



Bilyar y shuffleboard entre otro forman di recreacion

Potretnan di e celebracion di 25 aniversario



F.E. Griffin (VP) yama bonbini na Pres. Di Lago O.S.Mingus y Sra.



Lidernan civico y religioso sirbiendo nan mes cu refresco



Rev. A. Erkamp, F.G.M. van de Haas y J.R. Proterra

F.E. Griffin cu Rev. Magee y Sra. D. Hanlon



Director Verkruijsen combersando cu bishitante

Sr. Griffin cu historia na Rev. Magee y Sra. D. Hanlon



Miembronan di directiva di e club

Sr. Giriffin cu Frank Konchalski y B.S. DiMurro

United Service Organization - (USO)



United Seamen's Service - (USS)



Rooms-katholiek Militair Tehuis na San Nicolas



Militair Kamp na Playa



Dufi Kock

Escritor y Historiador

Savaneta 125-F

Tel: 584-1201

Cel: 592-9417

dufikock@gmail.com

Lid in de Orde van Oranje Nassau 2006

Respect and Honor from Battle Station Blaauw - Curacao 2013

Personahe Prominente di Aruba - Archivo Nacional 2017

Prome Baluarte di Savaneta - Ministerio Social y Labor 2018

Honorary Member Blaauwbaai Foundation Curacao 2018

Miembro Honorario - Lanta Nos Papiamento 2018

Miembro Honorario Museo di Antiguedad Nos Bieunan 2018

Contribuidor Den Engrandece Coleccion Nacional di Aruba - Archivo Nacional 2019